

Disposición transitoria primeira. *Comunicación de datos.*

Dentro do prazo de tres meses seguinte á data de promulgación deste real decreto, as empresas de seguridade inscritas nos correspondentes rexistros policiais, deberán presentar nestes unha relación do persoal de que dispoñan, con expresión de datos de identificación, categorías e postos de traballo.

Igualmente, as empresas industriais, comerciais e de servizos que, na data de promulgación deste real decreto, dispoñan de departamento de seguridade, deberán comunicarlle ó servizo policial correspondente a estrutura e funcións do devandito departamento, así como os datos de identificación do director de seguridade que se atope á fronte deste.

Disposición transitoria segunda. *Vixencia de normas preexistentes.*

Ata que teña lugar a aprobación das disposicións precisas para o desenvolvemento e execución do previsto neste real decreto, continuarán en vigor as normas aplicables ós aspectos que remitan a un ulterior desenvolvemento normativo e, concretamente, os seguintes:

- a) A presentación dos contratos de servizo nas dependencias policiais correspondentes.
- b) O modelo e contido dos libros rexistro que non fosen suprimidos por este real decreto, follas de ruta e libro catálogo de medidas de seguridade.
- c) Os relativos á formación previa e permanente do persoal de seguridade.
- d) A realización de probas polo persoal que permanecera inactivo máis de dous anos.

Disposición derogatoria única. *Derrogación normativa.*

Quedan derogadas cantas disposicións de igual ou inferior rango se opoñan ó preceptuado neste real decreto.

Disposición derradeira única. *Habilitación normativa.*

Autorízase o vicepresidente primeiro do Goberno e ministro do Interior para concreta-los aspectos dos preceptos modificados do Regulamento de seguridade privada, que sexan necesarios para a súa execución.

Dado en Madrid o 19 de outubro de 2001.

JUAN CARLOS R.

O vicepresidente primeiro do Goberno
e ministro do Interior,
MARIANO RAJOY BREY

MINISTERIO DE ECONOMÍA

21877 *REAL DECRETO 1232/2001, do 12 de novembro, polo que se aproba o Regulamento do procedemento de autorización previsto no artigo 34 do Real decreto lei 6/2000, do 23 de xuño, de medidas urxentes de intensificación da competencia en mercados de bens e servizos.* («BOE» 281, do 23-11-2001.)

Coa finalidade de pre-ir a coordinación de comportamentos competitivos de operadores de determinados mercados en proceso de liberalización derivada da presenza de accionistas comúns, o Real decreto lei 6/2000,

do 23 de xuño, de medidas urxentes de intensificación da competencia en mercados de bens e servizos, establece certas limitacións á presenza simultánea no consello de administración de operadores competidores nos devanditos mercados, así como o exercicio dos dereitos de voto correspondentes ó seu capital.

Así, o artigo 34 do Real decreto lei modificado pola disposición adicional décimo terceira da Lei 14/2000, do 29 de decembro, de medidas fiscais, administrativas e da orde social, establece un procedemento de control das participacións das persoas físicas e xurídicas en sociedades que operen nos seguintes mercados: xeración, transporte e distribución de enerxía eléctrica; produción, transporte e distribución de hidrocarburos líquidos e de hidrocarburos gasosos; telefonía portátil e telefonía fixa.

Así mesmo, e con carácter excepcional, o número cinco do citado artigo 34 prevé que a Comisión Nacional de Enerxía e a Comisión do Mercado das Telecomunicacións poderán autorizar, cada unha no ámbito das súas respectivas competencias, o exercicio dos dereitos de voto correspondentes ó exceso respecto das participacións, ou a designación de membros dos órganos de administración, sempre que iso non favoreza o intercambio de información estratéxica entre operadores, nin implique risco de coordinación dos seus comportamentos estratéxicos.

É necesario, polo tanto, establecer regulamentariamente a forma e o procedemento a través dos cales a Comisión Nacional de Enerxía e a Comisión do Mercado das Telecomunicacións concederán as mencionadas autorizacións.

A habilitación para que o Goberno regule o procedemento de autorización que aproba este real decreto atópase no parágrafo segundo do número cinco do artigo 34 do Real decreto lei 6/2000, do 23 de xuño, no que se establece que regulamentariamente se determinará a forma e o procedemento a través dos cales se concederán as autorizacións previstas no propio artigo 34.

Na súa virtude, por proposta do vicepresidente segundo do Goberno e ministro de Economía, trala aprobación do Ministerio de Administracións Públicas, de acordo co Consello de Estado e logo de deliberación do Consello de Ministros na súa reunión do día 8 de novembro de 2001,

DISPONGO:

Artigo único. *Aprobación do Regulamento do procedemento de autorización previsto no artigo 34 do Real decreto lei 6/2000.*

Apróbase, en aplicación do disposto no artigo 34.cinco do Real decreto lei 6/2000, do 23 de xuño, de medidas urxentes de intensificación da competencia en mercados de bens e servizos, o Regulamento do procedemento de outorgamento das autorizacións previstas no citado artigo 34, o texto do cal se insire a seguir.

Disposición derradeira primeira. *Habilitación para dic- tar circulares.*

Habílitanse a Comisión Nacional de Enerxía e a Comisión do Mercado das Telecomunicacións, segundo corresponda por razón da materia, para determinar, mediante circular, que deberá publicarse no «Boletín Oficial del Estado», o contido mínimo a que deberá axustarse a solicitude de autorización á que se refire o artigo 5 do regulamento que se aproba por este real decreto, así como a documentación necesaria que se deba xuntar a esta sen prexuízo de que, en cada caso, poida requirirse a documentación complementaria que se considere necesaria.

Disposición derradeira segunda. *Habilitación competencial.*

Este real decreto dítase ó abeiro da competencia estatal establecida no artigo 149.1.13.^a da Constitución, relativa ás bases e coordinación da planificación xeral da actividade económica.

Disposición derradeira terceira. *Entrada en vigor.*

Este real decreto entrará en vigor o día seguinte ó da súa publicación no «Boletín Oficial del Estado».

Dado en Madrid o 12 de novembro de 2001.

JUAN CARLOS R.

O vicepresidente segundo do Goberno
para Asuntos Económicos
e ministro de Economía,
RODRIGO DE RATO Y FIGAREDO

REGULAMENTO DO PROCEDEMENTO DE AUTORIZACIÓN PREVISTO NO ARTIGO 34 DO REAL DECRETO LEI 6/2000, DO 23 DE XUÑO, DE MEDIDAS URXENTES DE INTENSIFICACIÓN DA COMPETENCIA EN MERCADOS DE BENS E SERVICIOS

Artigo 1. *Obxecto.*

1. Este regulamento resulta de aplicación ós procedementos de outorgamento, modificación e extinción das autorizacións administrativas que se aplicarán por parte da Comisión Nacional de Enerxía ou da Comisión do Mercado das Telecomunicacións, segundo as súas respectivas competencias, nos seguintes supostos:

a) Autorización a persoas físicas ou xurídicas que, directa ou indirectamente, participen nunha proporción igual ou superior ó 3 por 100 do total no capital ou nos dereitos de voto de dous ou máis sociedades que teñan a condición de operador principal nun mesmo mercado ou sector dos sinalados no artigo 34.dous do Real decreto lei 6/2000, do 23 de xuño, para o exercicio, dos dereitos de voto correspondentes ó exceso respecto da devandita porcentaxe en máis dunha entidade.

b) Autorización a persoas físicas ou xurídicas que teñan a condición de operador principal nun mercado ou sector de entre os que se sinalan no artigo 34.dous do Real decreto lei 6/2000, do 23 de xuño, para exercer os dereitos de voto correspondentes a unha cota de participación superior ó 3 por 100 do total no capital ou noutros valores que confiran dereitos políticos doutra sociedade que teña a mesma condición nun mesmo mercado ou sector.

c) Autorización a persoas físicas ou xurídicas para a designación, directa ou indirectamente, de membros do órgano de administración de máis dunha sociedade que teña a condición de operador principal no mesmo mercado ou sector de entre os sinalados no artigo 34.dous do Real decreto lei 6/2000, do 23 de xuño.

d) Autorización a persoas físicas ou xurídicas que teñan a condición de operador principal nun mercado ou sector dos sinalados no artigo 34.dous do Real decreto lei 6/2000, do 23 de xuño, para designar directa ou indirectamente membros dos órganos de administración de sociedades que teñan a condición de operador principal no mesmo mercado ou sector.

2. Os mercados ou sectores ós que se refire o punto anterior son os seguintes:

- a) Xeración, transporte e distribución de enerxía eléctrica.
- b) Producción, transporte e distribución de hidrocarburos líquidos.
- c) Producción, transporte e distribución de hidrocarburos gasosos.
- d) Telefonía portátil.
- e) Telefonía fixa.

Artigo 2. *Competencia.*

As competencias que neste regulamento se lle atribúen á Comisión Nacional de Enerxía ou á Comisión do Mercado das Telecomunicacións deberán entenderse en cada caso referidas a cada unha delas no ámbito das súas respectivas competencias.

Artigo 3. *Relación de operadores principais.*

1. A Comisión Nacional de Enerxía e a Comisión do Mercado das Telecomunicacións establecerán e farán pública, anualmente, a relación dos operadores que se consideren principais nos mercados ou sectores referidos no artigo 34.dous do Real decreto lei 6/2000, do 23 de xuño. A devandita relación poderá ser modificada, en calquera momento, durante o transcurso do ano.

2. No prazo dun mes desde a publicación da relación de operadores principais a que fai referencia o punto anterior, as persoas físicas ou xurídicas que incorran nas prohibicións establecidas no punto un do Real decreto lei 6/2000, deberán comunicarlle á Comisión Nacional de Enerxía ou á Comisión do Mercado das Telecomunicacións, a sociedade respecto da cal se pretendan exercer os dereitos de voto ou designar membros do órgano de administración sen restricción ningunha.

3. En todo caso, a Comisión Nacional de Enerxía e a Comisión do Mercado das Telecomunicacións poderán requirir-las persoas que puidesen estar incurso nalgunha das prohibicións establecidas no punto un do artigo 34 do Real decreto lei 6/2000, para que acheguen a documentación e información necesarias para determina-la concorrencia das citadas prohibicións.

Artigo 4. *Procedemento administrativo.*

O procedemento para o outorgamento, modificación e extinción das autorizacións a que se refire o artigo 1 deste regulamento rexeráse polo disposto neste e na Lei 30/1992, do 26 de novembro, de réxime xurídico das administracións públicas e do procedemento administrativo común e as súas normas de desenvolvemento.

Artigo 5. *Solicitud de autorización.*

As persoas físicas ou xurídicas que incorran nalgunha das prohibicións establecidas no artigo 34.un do Real decreto lei 6/2000, do 23 de xuño, poderán solicitar da Comisión Nacional de Enerxía ou da Comisión do Mercado das Telecomunicacións calquera das autorizacións a que se refire o artigo 1 deste regulamento.

Artigo 6. *Confidencialidade da información.*

1. Os suxeitos solicitantes das autorizacións referidas no artigo 1 deste regulamento poderán, logo da oportuna xustificación, indicar qué parte dos datos e informacións subministrados consideran de transcendencia comercial e industrial, a difusión da cal podería prexudicalos e para a que reivindicán a confidencialidade.

2. A Comisión Nacional de Enerxía ou a Comisión do Mercado das Telecomunicacións decidirán, de forma motivada, sobre a información que, segundo a lexislación vixente, estea exceptuada do segredo comercial ou industrial e sobre a amparada pola confidencialidade.

3. Mentres a Comisión Nacional de Enerxía ou a Comisión do Mercado das Telecomunicacións non adopten a decisión a que se refire o punto anterior, a información sobre a cal as empresas solicitasen a confidencialidade recibirá o devandito tratamento.

Artigo 7. *Resolución.*

1. O prazo máximo para notificar a resolución dos procedementos regulados por este regulamento será de catro meses.

2. As resolucións que a Comisión Nacional de Enerxía ou a Comisión do Mercado das Telecomunicacións adopten ó amparo deste regulamento serán sempre motivadas.

3. A Comisión Nacional de Enerxía ou a Comisión do Mercado das Telecomunicacións poderán subordinar o outorgamento e a vixencia das autorizacións ó cumprimento das condicións que expresamente se establezan.

4. O incumprimento das condicións ás que se subordine a autorización implicará automaticamente a extinción da súa eficacia, dando lugar calquera exercicio de dereitos á eventual incoación do correspondente procedemento administrativo sancionador nos termos previstos no artigo 34.seis do Real decreto lei 6/2000, do 23 de xuño.

5. Nos casos previstos no parágrafo anterior, a Comisión Nacional de Enerxía ou a Comisión do Mercado das Telecomunicacións darán publicidade á extinción da autorización que, se é o caso, se concedese.

Artigo 8. *Modificación da autorización.*

1. Unha vez outorgadas as autorizacións referidas no artigo 1 deste regulamento, a persoa ou persoas autorizadas deberán comunicarlle á Comisión Nacional de Enerxía ou á Comisión do Mercado das Telecomunicacións calquera variación nos presupostos de feito que determinaron o seu outorgamento. A devandita comunicación efectuarase no prazo máximo de dez días, contados desde que a devandita variación se produza.

Así mesmo, a Comisión Nacional de Enerxía ou a Comisión do Mercado das Telecomunicacións poderán iniciar de oficio o devandito procedemento de modificación se coñecesen a existencia da devandita variación e non se lles comunicase en prazo.

2. Durante o tempo que medie entre o momento en que se produza a variación referida no punto anterior e o pronunciamento expreso da Comisión Nacional de Enerxía ou da Comisión do Mercado das Telecomunicacións, ou, no seu defecto, o transcurso do prazo sinalado no artigo 7.1 deste regulamento, os efectos da autorización previamente concedida non se estenderán ás novas adquisicións de accións ou outros valores que confiran dereitos de voto ou de designación de membros no órgano de administración. Para estes efectos, a persoa ou persoas autorizadas deberán absterse de exercer os dereitos de voto nunha porcentaxe superior á previamente autorizada. No caso de que se autorizase a designación de membros do órgano de administración, a persoa ou persoas que puidesen designar novos membros deberán absterse de facelo.

3. En caso de variación dos presupostos determinantes do outorgamento dunha autorización, o exercicio de dereitos de voto ou a designación de membros de órganos de administración non amparada por ela, dará lugar á incoación do correspondente procedemento

administrativo sancionador nos termos previstos no artigo 34.seis do Real decreto lei 6/2000, do 23 de xuño.

4. Nos casos previstos no parágrafo anterior, a Comisión Nacional de Enerxía ou a Comisión do Mercado das Telecomunicacións darán publicidade á ausencia de autorización respecto do exercicio de tales dereitos políticos ou a designación de posteriores membros do órgano de administración.

5. A resolución que, se é o caso, dicte a Comisión Nacional de Enerxía ou a Comisión do Mercado das Telecomunicacións poderá subordinar a novas condicións a autorización inicial, á vista das novas circunstancias concorrentes.

Artigo 9. *Extinción da autorización.*

As autorizacións administrativas outorgadas ó amparo deste regulamento quedarán extinguidas, nos seguintes supostos:

- a) Por renuncia do seu titular.
- b) Por desaparición das circunstancias que motivaron o seu outorgamento.
- c) Por incumprimento das condicións a que estivesen subordinadas, de conformidade co previsto nos artigos 7.3 e 8.5 deste regulamento.
- d) Por incumprimento da obriga de comunicación establecida no artigo 8.1 deste regulamento, sen prexuízo do disposto no artigo 8.2.

Disposición transitoria única. *Efectos de autorizacións anteriores.*

As solicitudes presentadas con anterioridade á entrada en vigor deste real decreto tramitaranse conforme as normas de procedemento aplicables no momento da súa presentación.

As autorizacións concedidas pola Comisión Nacional de Enerxía ou a Comisión Nacional do Mercado das Telecomunicacións, segundo corresponda por razón da materia, con anterioridade á entrada en vigor deste real decreto, manterán a súa eficacia, sen prexuízo do establecido no artigo 8 do regulamento que se aproba.

MINISTERIO DE AGRICULTURA, PESCA E ALIMENTACIÓN

22360 *REAL DECRETO 1228/2001, do 8 de novembro, polo que se establecen medidas específicas de loita e erradicación da febre catarral ovina ou lingua azul. («BOE» 287, do 30-11-2001.)*

O Real decreto 650/1994, do 15 de abril, polo que se establecen medidas xerais de loita contra determinadas enfermidades dos animais e medidas específicas contra a enfermidade vesicular porcina, e mediante o que se incorporou a Directiva 92/119/CEE, do Consello, do 17 de decembro, ó noso dereito interno, estableceu medidas xerais de loita contra determinadas enfermidades dos animais, entre as que se conta a febre catarral ovina ou lingua azul, prevíndose no seu artigo 15 que as disposicións específicas relativas ás medidas de loita e erradicación propias de cada unha das enfermidades serán as establecidas polo Consello da Unión Europea.

En consecuencia, de conformidade coa previsión da citada normativa comunitaria, o Consello aprobou a